



ARRANKUDIAGAKO ELIZALDE PRESTUAREN  
UDALA  
AYUNTAMIENTO DE LA N. ANTEIGLESIA  
DE  
ARRANKUDIAGA  
(BIZKAIA)

## ARRANKUDIAGAKO UDALA

### IRAGARKIA

Euskera ikasteko emango diren diru laguntzak arautzeko ordenantzaren aldaketaren behin behineko onespeneren jende aurrean arauzko epea igaro ondoren eta ez denez inolako erreklamaziorik aurkeztu, behin betiko onetsi da.-

Toki Ogasunak araupetzen dituen 9/2005 Foru Arauaren 16. Artikuluan eta Toki Araubideko Oinarriak araupetzen dituen 7/85 Legearen 70.2 artikuluan xedatutakoa betez, aipatutako Ordenantza Fiskalaren aldarazpenaren testu osoa “Bizkaiko Aldizkari Ofizialean” jartzen da:

#### **EUSKERA IKASTEKO EMANGO DIREN DIRU LAGUNTZAK ARAUTZEKO ORDENANTZA.**

Arrankudiagako udalbatzak Arrankudiagan bertako herritarrek euskera ikas dezaten laguntzeko asmoarekin politika koherentea landu nahi du. Horretarako, beharrezkoa egiten da euskera ikasteko dirulaguntzak arautzeko udal akordio bat onartzea, beti ere aurrekontuen baliabideek eskaintzen duten neurrian.

#### **1. KAPITULUA.- XEDAPEN OROKORRAK.-**

##### **1. Artikulua.- HELBURUA.-**

Udal akordio honen helburua honako hau da: Arrankudiagako udalerriko eremuan euskera ikasteko ematen diran dirulaguntza-erizpideak erabakitea, prozedura argituz eta jarriz.- Beti ere, lortu behar diren helburuak zehaztu eta udalerriko biztanleei bermatuta udal laguntza honek baldintza berdintasunean lortu ahal izango direla.-

## **2. Artikulua.-**

Dirulaguntzak honako arau hauei jarraituz emango dira:

- Borondate eta behin-behineko izaera izango dute.-
- Aurreko ekitaldietan emandako dirulaguntzak ez dute sortuko eskatzailearen aldeko inolako eskubiderik eta ezingo da aurrekasu bezala argudiatu.-

## **3. Artikulua.- ZIGOR GAITASUNA.-**

Administrazioak zigortzeko duen gaitasunari eta zigor-prozedureari dagozkionez, ezargarri izango dira Herri Administrazioen Xehapen Ahalmenaren gainean otsailaren 20ko 2/1998 Legeak arautzen dituenak.-

## **4. Artikulua.- AURREKONTUA.-**

Udal akordio honi jarraituz, euskera ikasteko dirulaguntzak finantziatuko dira udal Osoko Bilkurak ekitaldi bakoitzerako aurreontuan horretarako jartzen dituen partiden kontura, eta haien muga dagoen diru baliabidea izango da.-

Nolabait ere, kreditu egokia eta nahikoa egoteak ebazpena hartzeko unean dirulaguntzen konzesioa baldintzatuko du.-

## **II. KAPITULUA.- ESKATZAILEAK.-**

### **5. Artikulua.- PERTSONA FISIKOAK.-**

- Haien eskabidea egin beharko dute Arautegi honetan adierazten diren baldintza orokorrei jarraituz.-
- Administrazio ondorioetarako Arrankudiagan errolatuta egon beharko dira.- Hau eskabidea aurkezten egieztatu beharko da.-
- Horrela dagokionean, arauz ezartzen deneran eta kobratu aurretik egiaztatu beharko dute zergen ordainketei dagokienean egunean daudela.-

## **III.- KAPITULUA.- ESKAERAK AURKEZTEKO PROZEDURA.-**

### **6. Artikulua.- ESKABIDEAK ETA DOKUMENTAZIOA.-**

Eskabidea Arrankudiagako udaletxean aurkeztu beharko da, eta interesatuak berak aurkeztua egon beharko du.-

Eskabidearekin batera honako dokumentazio hau aurkeztu beharko da:

- Eskatzailearen NANaren fotokoia.-
- Errolatze ziurtagiria.-

- Euskaltegiren baten matrikula ordaindu izanaren egiaztagiria.-

Udal honen iritziz, dokumentazioa osatu gabe balego, adierazitako puntuak ez direla behar den bezala argitzen edo informazioa ezkutatu edo aldatzen dela, interesatuari dei egingo zaio 10 eguneko baliodun epean akats horiek konpondu ditzan, holakoa betetzen ez bada eskabidea artxibatu egingo dela ohartaraziz, eta horren ganeko jakinarazpen egokia egingo dela adieraziz.-

#### **7. Artikulua.- ESKABIDEAK AURKEZTEKO EPEA ETA TOKIA.-**

Eskabideak aurkezteko epea ikastaroetan izena eman eta BI HILABETERA (2) amaituko da, berdin urte osoko ikastaroetarako zein barnetegietarako.-

Eskabideak aurkezteko udalak duen eskabide orria erabiliko da, eta beroni udal idazkaritzan sarrera eman beharko zaio.-

#### **8. Artikulua.- EBAZPENA.-**

Eskabideen ganeko ebazpenak dagozkion udal batzorde eskudunak hartuko ditu, kreditu erabilgarririk dagoen ala ez aztertu ondoren.-

#### **9. Artikulua.- DIRULAGUNTZAK JASOTZEKO AURKEZTU BEHARREKO DOKUMENTAZIOA, EPEAN ETA ZENBATEKOA.-**

Dirulaguntza desbardin bi emango dira: ohikoa eta baliabiderik ez dutenentzako.- Halan eta guztiz, ikasleari nortasun juridikodun erakunde, enpresa edo erakunde publiko zein pribatu batek helburu berbererako dirulaguntza ematen badio, dirulaguntza guztien zenbatekoa ezin izango da izan inoiz ere ikastaroaren kostua baino altuagoa.-

#### **OHIKO BEKA.-**

Ikasleak klasean %75 edo gehiagora joan dela egiaztatzen badu, eta aprobetxamendu egokia izan duela ziurtatuz gero, matrikularen %40a jasoko du ikastaro amaieran.-

#### **1- Ikastaroa amaitu ondoren aurkeztu beharreko dokumentazioa:**

- Euskera ikastaroetan izandako asistetziaren egiaztagiria.-
- Aprobetxamenduaren inguruko egiaztagiria.-

#### **2- Dokumentazioa aurkezteko epea:**

- Ikastaroa amaitu ondoren BI HILABETE (2) izango du aurkezteko eskatzen zaion dokumentazioa.-

#### **3- Dirulaguntzaren zenbatekoa:**

- Ikasteko matrikula bezala ordaindu duenaren %40 a josoko du.- Hori bai, ikasturtean eskatzaile bakoitzak urte osoko ikastaroetara joateagaitik gehienez 250 euro jaso ahal izango ditu.-

### **BALIABIDERIK EZ DUTENENTZAT BEKA.-**

Ikasleak klasean %85 edo gehiagora joan dela egiaztatzen badu, eta aprobeztxamendu egokia izan duela ziurtatuz gero, matrikularen %85a jasoko du ikastaro amaieran.-

Beka hau aplikatuko da, beti ere eskatzaileak:

- Langabezi egoeran egotea ikasturtea irauten duen bitartean.-
- Edo bere famili unitatea ez gainditzea ondorengo betekizunak:

1.- Udalaren laguntza hauek jaso ahal izateko bete behar diren baldintzak: Hirukide edo gutxiagoko familia unitatea denean, unean-unean indarrean dagoen lanbidearteko batez besteko soldataren pareko ta beste erdi bat baino gehiagoko familia sarrerarik ez jasotzea soldata, pentsio edo langabezia nahi beste edozein kontzeptutan (hamalau hileko).- Lankide edo gehiagoko familia unitatea denean, unean-unean indarrean dagoen lanbidearteko batezbesteko soldataren pareko eta beste horren beste ez jasotzea goian esandako kontzeptuetan (hamalau hileko).-

2.- Familiaren irabazi gordinak kontatzerakoan, hurrengo gastu hauek kenduko dira:

- Eskatzailea alokatutako etxebizitza baten biziko balitz, alogera horren urteroko gastuak.-
- Eskatzaile bizi den etxebizitzaren jabe izango balitz eta erosteko kreditu bat ordaintzen egongo balitz, kreditu horren urteroko gastuak.-

3.- Familiaren kide bakoitzak edo guztiak edozein kontzeptuagatik lortzen dituzten irabazien gehiketa izango dira familiaren diru-sarrera gordinak, zenbateko hauei, aurreko atalean aipaturiko arazoetatik sortzen diren gastuak kenduko zaizkio.-

4.- Diru-laguntza honen eskubidea hurrengo kasu hauetan galduko da:

- Norbere bizi den etxeaz gain, hirilur ondasun higiezinaren jabe izatea: lonjak edo lokalak barne direla.-
- Landalur ondasun higiezinaren jabe izatea edo 30.000 eurotako gorako salduaz bankuan kontuak edukitzea.-

5.- Gizarte Ongizate Batzordeak kasu bakoitzean, eskatzaileen ondasun eta bere balorei buruz agertzen diren zalantzen gainean ebazpena hartzeko eskubidea edukiko du.-

### **1. Ikastaroa amaitu ondoren aurkeztu beharreko dokumentazioa:**

- Euskera ikastaroetan izandako **asistentziaren egiaztagiria**.-
- **Aprobetxamenduaren inguruko egiaztagiria**.-
- 1. Laguntza hauek jasotzeko eskubidea daukatela uste duten pertsonak idatziz eskatu behar diote Udalari laguntza hori, Udaletxeko bulegoan emango zaien eskaeraren arabera.-
- 2. Diru-Laguntza izapidetu ahal izateko, laguntza eskaerarekin batera, norberen egoera ekonomikoa eta etxekoa ziurtatzeko zinpeko adierazpen bat aurkeztu behar da:
  - a) Eskatzailearen izen-abizenak eta N.A.N. aren zenbakia.-
  - b) Familia osatzen duten pertsona guztien ahaidetasuna, baita zenbakia eta izena ere.-
  - c) Helbidea.-
  - d) Familiak jasotako diru-sarrerak, kide bakoitzak irabazi duena eta zein kontzeptuagatik zehaztuz.-
  - e) Alogera edo etxebizitzaren kreditua ordaintzeagatik gastuak.-
  - f) Beste hirilur ondasunen jabe ez izatearen gainean adierazpena.-
  - g) Jabe den landalur ondasunen gaineko adierazpena.-
- 3. Edozelan ere, Gizarte Ongizate Batzordeak zinpeko adierazpenean ezarritakoa konprobatzeko xedeaz, behar beste agiri edo argitasun eskatzeko posibilitatea izango du.-

### **2. Dokumentazioa aurkezteko epea:**

- Ikastaroa amaitu ondoren BI HILABETE (2) izango du aurkezteko eskatzen zaion dokumentazioa.-

### **3. Dirulaguntzaren zenbatekoa:**

- Ikasteko matrikula bezala ordaindu duenaren %85 a jasoko du.- Hori bai ikasturte bakoitzean eskatzaile bakoitzak urte osoko ikastaroetara joateagatik gehienez 400 euro jaso ahal izango ditu.-

## **IV.- KAPITULUA.- ESKATZAILEEN ESKUBIDEAK ETA BETEBEHARRAK.-**

### **10. Artikulua.- ESKUBIDEAK.-**

Arautegi honetako dirulaguntzak eskatzen dituzten pertsonak honako eskubide hauek izango dituzte:

- Eskatutako laguntzaren ganeko espedientearen egoera ezagutzea.
- Dokumentazioan egon daitezkeen akatsak zuzentzeko deituak izateko eskubidea.
- Bere eskubidearen ganean hartzen diren erabaki guztien inguruko jakinaraztena jasotzeko eskubidea.

- Udal akordio honetan araututa dauden epeetan dirulaguntza jasotzeko eskubidea.
- Emandako dirulaguntzari uko egiteko eskubidea.

#### **11. Artikulua.- BETEBEHARRAK.**

Arautegi honetako dirulaguntzak eskatzen dituzten pertsonak honako obligazio hauek bete beharko dituzte:

- Emandako dirulaguntza onartzea.- Dirulaguntza eman dela adierateko komunikazioa jasoten den egunetik zenbatzen hasita eta 15 eguneko epean ez badiete uko egiten dirulaguntza horri, ulertuko da onartuta dagoela.-
- Helburu bera izanda, beste administrazio edo erakunderen baten dirulaguntza lortu duela jakinaraztea.-

#### **V.- KAPITULUA.- ZIGOR ARAUBIDEA.-**

#### **12. Artikulua.-**

1.- Onuradunek ez balute beteko udal akordio honetako betekizunen bat edo dirulaguntza emateko jasoten den baldintzaren bat, udal batzorde eskudunak erabaki ahal izango du emandako laguntzaren ganeko eskubidearen galerea ebazpen arrazoituaren bidez, beti ere aurretik espedientea zabaldua, eta bertan interesdunari entzutea emanda 15 laneguneko epean.- Halan eta guztiz, horrela zaionean, udal batzorde eskudunak erabaki ahal izango du jasotako diru-kopuruak udalari itzulzeko obligazioa.- Hau guztia, egoki izan daitezken ganerako ekintzak egikaratu ahal izatearen kalte gabe.-

2.- Kopuruok diru-sarrera publikotzat joko dira ondorio guztietarako, eta borondatez itzultzeko epea hilabetekoa izango da, bete ere kopuru egokiak itzultzeko betebeharra eta obligazioa aitortzen dituen ebazpenaren jakinarazpena egiten den egunetik zenbatzen hasita.-

3.- Agintzen diren kopuruak itzultzeko, aplikatuko dira Toki Araubideko Oinarriak arautzen dituen apirilaren 2ko 7/1985 Legean jasotako arauak eta indarrean dagoen Foru Araudiak Ogasun eta Diru-bilketaren ganean ezartzen dituenak.-

Arrankudiagako Udalak exijituko du itzultzea dirulaguntza bezala ordaindutako kopuruak honeetakoren bat gertatzen denean:

- a. Dirulaguntza lortzen denean horretarako behar diren baldintzak izan gabe.-
- b. Beste administrazio zein erakunde publiko edo pribatu baten jasotako dirulaguntzaren ondorioz euskera ikastaroak izandako kostua gainditzen duenean.-

**13. Artikulua.-**

Itzuli behar diren kopuruak eskubide publikoko diru-sarreratzat joko dira, eta hauek kobretako aplikagarri izango da premiamentuzko prozedura administratiboa.-

**14. Artikulua.-**

Alkatetzaren eskumenekoa izango da udal akordio honen ondorioz sortu daitezken zalantzak interpretatzea eta erabakitzea.”

Arrankudiagan, 2011ko apirilaren 13an.

**ALKATEA**